

## Wien, Österreichische Nationalbibliothek (ÖNB), Cod. 1875

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

3157

## L I T U R G I C I .

DCCCCXVII.

957 Codex membraneus lat. Sec. XVI. Folior. 265. 4. eleganter scriptus, literis initiorum et marginibus pluribus jucundissimo florum insectorumque ornatu variis, Picturis praeterea XII. grandibus sacris artificis penicilli magnificus varia Pietatis Exercitia complectitur in usum quondam *Ferdinandi I. Rom. Regis*, quem imperiali habitu de genibus precantem exhibet Icon praevia, addito supra conopeum: *Ferdi. Dei. Gra. Rom. Rex. Etc.* et Scutis *Burgundicis* fenestrae adfixis. Insunt vero: Missa de B. V. M. IV. Evangelistarum totidem Evangelia, Horae de Cruce, de S. Spiritu, et de Deipara, Psalmi Poenitentiales cum Litanis OO. SS. Vigiliae Mortuorum, Precesque ad diversos Coelites. A morte Parentis Κειμηλίου istud Filio cessit; legitur enim in ora supera praedictae Iconis: 15. M. 65. Dominus: Prouidebit: Maximilianus. et fol. 1. praevio: Donatus est liber iste Maximiliano II. Elego Imperatorj: 17. Aprilis. A. D. 65. Utrumque ἀυτογέαφως. Ejus Insignia vel Patris potius acu phrygia Thecae adpieta sunt.

DCCCCXVIII.

777 Codex membraneus lat. Sec. XVI. Folior. 29. 8. elegantissime exaratus titulisque miniatis insignis ita in Fronte artificiose depicta inscribitur: *Piae Aliquot Precationes ad Deum Optimum Max: con-*

3158

*tra Turcam, Ferijs sextis, et reliquo Anni tempore fundende, ac in ultissimo Ferdinando Caesari dicatae.* Pag. 2. Icon certaminis Christianorum cum Turcis exhibetur, *Mose* supra rupem preces fundente ex *Exod. C. XVII.* adjecto infra Pictoris, ut puto, Monogrammate F. D. et anno 1557. quo nempe *Carolus V.* jam Fratri imperium remiserat, quamvis hic per *Dedicationis* decursum etiamnum *Rex* adpelletur a *Job. Caualerio*, qui harum Precationum partem potissimum e sacris Literis, puta Libro *Sap. Psalmis, Juditb, Estber &c.* Personae *Ferdinandi* scite adcommodeavit, quique se *Regis Clientem* vocat. Finem facit: *Piissima Precatio Gregorij Nissæ Episcopi fratris Basiliij magni, ex Oratione in Sanctum Theodorum Martyrem, quæ etiam cuilibet alii Martyri accommodari potest, Interpreti D. Jacobo S. Theol. Doct. et Decano Viennensi.* Si Theologicae Facult. Decanus hic intelligatur, fortassis is fuerit *Jacobus Zieglerus Boj. Landavianus*, qui a. 1543. hoc magistratu functus est, quemque *Locherus* in *Spec. Acad.* a. 1549. obiisse tradit. Verum enimvero nomina *Decanorum* ab a. 1550. ad an. 1567. illi defuere.

DCCCCXIX.

Codex chartaceus lat. Sec. 848 XVI. Folior. 82. 8. partim impressus, partim manu exaratus, Liturgicus est, et continet primo *Calendarium ecclesiasticum impressum,*